



C Vm Ecclesia Christi passim per Galliam à uis
 cris pijs & doctis Apostolorum discipulis plā
 taretur, S.Paulus electum Dei organum Crescen-
 tem, qui ab alijs Crescentius dicitur, ad eos homi-
 nes prædicatum Euangelium misit, qui Rhenum
 transgressi circa Treuiros & Moguntiam in Gal-
 lia consederant: qui etiam officio suo gnauiter fun-
 ctus, & ad Rhenum progressus, Moguntię substi-
 tit, atq; eius loci incolas ad Christum conuertit. id
 quod factum est eodem ferè tempore, cum S.Ma-
 ternus in Alsatia uerbū Dei seminaret, anno Chri-
 sti sexagesimo. Cum autem Crescēs postea uitam
 cum morte commutasset, atque partim persecutio-
 nes, partim grauissima Romanorum cum Germanis bella ijs in locis orien-
 tur, Ecclesiæ eæ à Crescente optimè instructæ sublatae fuerunt: donec tādem
 Francis superuenientibus denuò ij homines ad Christū conuerterentur. Euseb.lib.3.cap.4.Eccles.Hist.Magdeburg.Cent.i.lib.2.cap.2. Hunc Crescen-
 tem aliqui primum Episcopum Moguntinensem faciunt, atq; aliquos ei suc-
 cessores tribuunt. Eos ad S.Bonifacium Archipræfulem usq; nos (quantum
 in tanta authorum uarietate fieri potuit) subiecimus.

Primi Episcopi Moguntinenses.